

«Globetrotter»

I bi nes fass ohni bode & ne fernwehfahrer / gah bis a rand vor wäut & när no ei schritt meh / ohni kompass, ohni stoppuhr / s git no so viu woni no nie ha gseh

d wäut isch es wunger / bi drüber & drunger / sie verschlat eim d schprach / ha gluscht & gwunger / ha durscht & hunger / s ligt no so mänge acher brach

I ha no lang nid aus entdeckt / wo sech vor mir het versteckt / weni aus wo me cha gseh o chönnti gseh / I gäbt viu derfür / glych wie wyt wäg dass me geit / glych wohi dr wind eim treit / es landet jede immer wieder vor syre eigete tür

I bi nes fass ohni bode & ne fernwehfahrer / gah häb-chläb vo irgendwie bis irgendwo / gäng müglechtscht wyt wäg vo dr houptschtrass / I reise nid wüll i a ds ziel wott cho

d wäut isch es wunger / bi drüber & drunger / sie verschlat eim d schprach / ha gluscht & gwunger / ha durscht & hunger / s ligt no so mänge acher brach

I ha no lang nid aus entdeckt / wo sech vor mir het versteckt / weni aus wo me cha gseh o chönnti gseh / I gäbt viu derfür / glych wie wyt wäg dass me geit / glych wohi dr wind eim treit / es landet jede immer wieder vor syre eigete tür

E chly fingerle hie, e chly fingerle da / mau ine, mau use, mau cho & wieder gah / sueche & finge, verlüüre & fa / luege, lose, loufe & när wieder blybe shtah / mau chly ufe, mau chly abe, mau mit lüt, mau allei / mau mit disem, mau mit jenem über stock, über schtei / mau liecht wie ne vogu, mau schwär wie blei / mau so oder so, mau ja & mau nei

I ha no lang nid aus entdeckt / wo sech vor mir het versteckt / weni aus wo me cha gseh o chönnti gseh / I gäbt viu derfür / glych wie wyt wäg dass me geit / glych wohi dr wind eim treit / es landet jede immer wieder vor syre eigete tür